



ATASSUT

UPA14/120-1

Gerhardt Petersen

25.03.2014

Uunga siunnersuut: Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allanngortinneqarnera pillugu Inatsisartut inatsisaat nr. XX, XX. XXX 2014-imeersoq.

(Aningaasaqarnermut Nunamullu Namminermt Naalakkersuisoq)

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allanngortinneqarnera pillugu Inatsisartut inatsisaattut siunnersuut pillugu ATASSUT-mit nalilersuilluareerluta imaattumik oqaaseqaateqassaagut:

Isertitsissutaasinnaasut allat tamarmik periarfissaajunnaarpata aatsaat akileraarutit akitsuutillu aqcutigalugit isertitsiniartoqartarnissaa ATASSUT-mit tunngaviusumik naalakkersuinikkut anguniagarigippit ilisimaneqarpoq.

Taamaattorli aamma pisuussutit uumassusillit uumaatsullu inuiaqatigiit pigisaattut oqaatigineqartariaqartut pillugit naalakkersuinikkut anguniagaraarput inuiaqatigiit annerpaamik aningaasarsiornikkut iluaqutissinneqarnissaat qulakkeersimaneqartariaqartoq.

Avaleraasartoorliarneq nunatsinni nutaajuvoq, nutaajungaaramilu misileraaneq suli ingerlanneqarpoq, naallu massa misileraaginnartoqaraluartoq aalisakkat taakku inuussutissarsiutigineqarsinnaanerannut annertuumik isumalluarnissatsinnut pissutissaqartugut ATASSUT-mit naliliivugut.

ATASSUT-mit arajutsisimanngilarput Nunatsinni Sulisitsisut Peqatigiiffiata tungaannit akitsuutip kilomut 1,50 kr.-iutinneqarnissaa annertuumik akerliuffigineqartoq.

Taamaattorli aamma avaleraasartoorliarumallutik qinnuteqartut akornanni akitsuutip taamatut annertussusilerneqarnissaa apeqqusernagu, allaallu aamma akitsuutip pineqartup qaavatigut



ATASSUT INATSISARTUNI

avaleraasartuut pillugit ilisimatusarnermut atorneqartussanik aningaasanik immikkoortitsinissamut piareersimallutik aalisarumasooqartoq ilisimavarput.

Nalilersuunitsinni ATASSUT-mit salliullugu qulakkeerumasarput tassaavoq aalisarnermit taassumanga inuiaqatigiit akitsuutitigut pissarsilluarnissaat, killiffigaarpullu kilomut 1,50 kr.-imik akitsuutitigut akiliisoqartarnissaa piumasaqaataassasoq tamanut naapertuuttoq, iluarisimaakkatsinnillu Nunatsinni aningaaseriviit annersaannit akitsuusiinermut tunngatillugu tunuarsimaartoqannginnissaanik kaammattuuteqartoqarnera maluginiarparput.

Innersuussutigalugu aningaasanut inatsit 2014-moortoq suliarineqarmat Inatsisartuni amerlanerussuteqartut aalajangiinerat, matumuuna ATASSUT-mit inassutigissavarput siunnersuut taamatut iluseqarluni akuersissutigineqassasoq.